

衡山縣志卷二十六

屯練志

宋建炎後荆湖路屯駐義軍北路辰澧二州南路全邵道永四州皆置土丁弩手蓋溪洞諸蠻保據巖險叛服不常其控制須土人故置是軍皆選自戶籍蠲免徭賦番戍砦柵大率安其風土則罕撓瘴毒知其區落則可制狡獪其校長則有都指揮使副都指揮使副指揮使都頭副都頭軍頭頭首

探斫招安頭首十將節級皆叙功遷補使相總領

衡山縣志

卷之二十六

屯練

一

有禦侮之備而無饋餉之勞其後荆南歸峽鼎郴衡永皆置

哲宗元祐七年選差邵州等縣中等以下戶充土丁弩手與免科役七年一替

紹聖二年詔邵州營下緣邊保砦弩手於五等戶輪差並半年一替

元世祖至元二十一年四月詔潭州蒙古軍依揚州例留一千人餘放還粵魯

二十七年復以揚州行省四萬戶蒙古軍戍潭州



明續文獻通考正統十四年景帝命各處召募民壯就令本地方官率領操練遇警調用

本朝屯練之法有屯弁練勇屯丁原爲彈壓苗疆而設邑不近苗故但設防弁不設屯弁又自長衡茶三衛歸併以來屯丁久裁至於練勇考舊額於防弁所領防兵之外另設民兵無事操練有事調用是亦練勇之意舊志云邑北門外演武場卽向來操練民兵之所民兵例有額數後奉裁革其額數及操練調用之法今不詳

衡山縣志

卷之二十六

屯練

二

按邑向來之民兵卽明之民壯今差役亦有謂之民壯者給使令而已非兵也